

張文定公四友亭集

文定公四友亭集卷之十二

七言律體

珍謨書院

爲序菴閣老
和費鍾石韻

雲端別構珍謨閣華扁新領

九五堂萬國共瞻

元首起千秋重觀股肱良風烟畫永琴書靜草樹春深
雨露香淮甸月沉瀛海濶奎光長遶合宮傍

賀桂洲少保入閣

次費鍾石
韻二首

絲綸自昔歸中秘奎壁移躔入上台致

主會逢名世德匡時全仗出群才銀章密疏天重運玉

勅傳緘日幾回拭目太平真有象春風池上鳳毛來
此日降麻歡庶臧幾年人仰踐中台即看補衮渾無迹
始信調元別有才風動海嶠惟密勿文成雲漢共昭回
聖明天子賢良佐世運今真屬大來

送毛同知景學拜表後任趙州便道過四明

萬里朝天氣轉雄又看書劍出烟松年來滇粵行應熟
此去瀟湘吊是重門外湖光搖畫錦尊前山靄逗晨鍾
人生莫歎劬征役追憶桑蓬興倍濃

元夕未齋官保招飲張燈作樂

次汝湖翰長韻
二首

元夕正邀春蒲座梅花如雪舞瓊筵請看屋外長庚月

誰惜床頭沽酒錢。鼙鼓漫憐瀛海會。鰲燈深映貌姑仙。
定知歡賞長無極。曾向蒙莊得大年。

今夕何夕月當戶。尊前對此羣仙人。長歌忽到列漏盡。
痛飲不知天地春。嗟來羨門爾吾侶。欲住蓬山誰作隣。
壁殿星橋有深慨。開簾且視梅花新。

送太學生黃資安歸省

四明山城碧玉環。別有清泠專人間。雲路英賢日魚貫。
黃生秀出鵷鸞班。祭酒今年放歸省。曙院鶯花拂天影。
正喜高堂未白頭。湖波釀熟春千頃。

送梁大用教諭之懷寧

一官遙向大江濤江柳垂垂萬縷金讀易田何多弟子
著書徐幹有聲音蛟渦魚沫風雲變瑤圃芝田雨露深
威鳳碧梧棲欲老好携群羽入瓊林

王溪少宰守城間奉 命詣 文華殿

先聖先師堂上香有詩見示次韻二首

赭龕青殿列神師朔月詞臣攝奠儀城闕指揮雄武畧
廟堂趨走肅文規花迎泮景香吹席雲弄晴光酒滿卮
墳典萬年人極在更緣

恩命動深思

古來神聖百王師王立巍巍配二儀

明主追崇真曠典儒臣攝拜亦新規一朝佛骨成灰燼
五夜文星照王卮韓愈有才空諫表清時回首發遐思
文華殿東堂原冶金爲佛像朔望焚香今皇上燬撤
易以義農以下大聖十一位大善殿舊塑佛像樓各梁
上佛諸淫褻之狀又有佛骨數萬斤內雜以石上一
切焚棄別改慈寧宮焉

赴未齋宮保會賞梨花

次松臯
太宰韻

侍罷

宸游興不單更携仙侶玉堂寒華燈竹葉勞相勸春院
梨花故未殘月淡烟雲橫遠漢鶴憐清影失旗檀百年
知己俱頭白對景何妨一盡歡

送林肖泉內翰奉母還鄉

次乃兄小
泉宮保韻

粵水燕山旭照明薰風高柳片帆輕潘輿久注鄉園思
姜被初新宦邸情芸閣青藜分

帝澤詞垣白雪繼家聲司空鶴錦瓊花帶
經幄清秋候小程

寄壽謝雙湖憲伯八十生旦

記得當年黃鶴樓朋尊時俯漢江流雅懷一別三千里
遐筭今逢八十秋指顧堪輿存目睫詠歌山水入夷猶
燕臺月共閩溪白采遍蘭皋思獨悠

丁酉五月廿七序菴閣老以一品六年考滿復

職適閣中盆荷初開有詩見示次韻 二首

彌諧寰海動休風倚閣芙蓉照眼紅天借仙靈標上考
地輸元老屬宗工秀含晴彩星臨闕香度涼颼月滿宮
恩露九霄濡最渥萬方生態此專功

拜罷溫綸坐午風水花初映鶴袍紅即看草木知榮遇
始信謀猷協化工芳氣近通清馥殿仙姿元出廣寒宮
勤勞六載天無迹益沼何心却奏功

次林小泉大司空得請致仕因以爲贈

忽聞

溫旨下虞廷老覺人間好事并稅駕烟霄真志足杖藜
山郭尚身輕勲名已紹家庭舊詩句仍傳里社清八十

源公猶戀巖竒看彫鏤更承明

壽謝母陸太夫人

相國門前滄海深澄波實鑑孤闈心青松不改四時色
白鶴自鳴三島陰麻姑蓬萊幾清淺王母蟠桃無古今
學士瀛洲歸戲綵層霄雨露日淋淋

喜雪

次松舉家宰韻

夜半窓櫺疑曙色起看門外雪封溝三山有鶴棲瓊樹
九陌無塵上玉樓光借塩盆雄獸勢浪平銀海伏鰲頭
豐穰有瑞壺觴合莫遣詩遲大白浮

雪後院中對假山口占

燕京雪後似回春
眼底乾坤直幻人
鳥失故棲銀淥海
隄驚新築玉封塵
誰期老去饒佳興
自喜年來得靜因
坐對寒山無一事
素華千頃瀾冰輪

和太宰整菴先生二首因以爲壽

前輩風標似寡交
遍令寮宇挹清高
群流瀚海回孤柱
片語詞林破百牢
勲業自應輝竹帛
埃塵終不染冠袍
天書幾下東山麓
小子瞻依思倍勞

斯文千載賴公存
開闢乾坤割曉昏
老去明農歌百穀
時來畱客宴朋尊
汾陽去就華夷卜
伊洛圖書伯仲論
名德

四朝山嶽重蒲車仍擬應

神孫

八月廿二日 憲廟忌辰

上遣桂洲閣老代祭有詩見示次韻

複道層欄曙色蒼苑花宮樹迥含涼台躋夜動黃扉屐
雲馭朝臨寶篆香禮樂備肴新製作精誠遙祝舊靈光
相臣宣室頻經召應析幽微極破芒

和桂翁寄王九潭編修

玉笋仙班久虛寂松喬故戀薌溪山滄江又見木葉下
塵世獨憐秋鶴閒已向層霄瞻鵠舉况逢晴日遶

龍顏人生有才終自遇何必翠微長掩關

介溪宗伯得董中峰書有作辱示次韻

停雲長識志越山居千里繞通尺素書人事漫憐蕉鹿
在世情誰論棘猴虛將軍疑虎終開石渭水非熊却餌
魚文似相如寧寂寞薦雄無路實慙予

重陽後三日介溪宗伯邀登報國寺佛閣次未齋宮

韻保

老去渾成汗漫遊興來層閣看雲浮淡烟千樹迥衡日
鴻鴈一行高度秋淨境且陪伽葉咲昔人應有羨門留
疎鍾暝色歡無極携榼重期到水頭

和桂洲九日遊邵家園之作 二首

前輩曾開後樂園秋郊今復見仙尊
短筇踈樹葉迷徑流水夕陽花遶村
復有笙簫供綺席不勞猿鶴報華軒
太平元老紆籌畫佳節還同醉渥恩

東郊原上有芳園出郭晴輝映酒尊
千雉遠連青玉嶂一泓斜帶白雲村
拂秋鴻影沈寒戍裊露花香鬱曙軒
河海晏清風日好樂遊佳節修

君恩

戊戌典試感昔有作

弘治乙丑春會試

孝廟於宮中焚香籲天祈得真才今太子太保未齋顧
公大宗伯介溪嚴公皆舉高第某幸附榜末于茲
三十有四年爲嘉靖戊戌從顧公典試事而嚴公
實職提調相與追憶

孝廟禱祈之意不勝感慨祇懼之心二公以詩倡和某
亦繼和焉

穿楊昔日羨當場今喜掄材共一堂簾幕乍開春入座
豆觴初罷月臨牆祈天痛憶

龍輿遠捧日欣知鳳曆長三十四年慙附尾願同忠赤
贊

垂裳

送劉五泉銀臺之南京

風姿瀟洒玉芙蓉
滇外曾傳政績書
新陟銀臺符夙望
舊懸冰鑑屬時譽
龍江久抱荆山麓
鍾阜清涵白下居
最美公庭無一事
蒲床涼月醉吟餘

送潘憲伯先生入蜀

相見京華感興長
菊花鴻影又離觴
乍歸黔粵如新客
重入巴渝似故鄉
晝日轉輝袍錦露
秋風偏凜節旄霜
征途莫歎江湖遠
猶有知音在廟廊

秋日過西山

聞說西山幾屬懷偶因王事入山來
醅醢梵閣傾瓶吸桔橈農家過屋堆溪水曲依深樹轉石橋斜指翠屏開
徘徊落日有餘興林壑風清月滿臺

次韻懷俞南湖

一尊重會甬東岑白髮相看各上簪
建業清風惟蕘水滇南遺澤有甘霖
文林繡梓騰新譽鄉國傳經慰遠心
惟底經年成濶別枉教榆柳日聯陰

輓祖母舅西墅梁先生

家世書香靜不淆
槿籬叢竹映衡茅
衣冠忽冷芳洲會
鷄黍空陳穀旦殺
滿眼烟花悲舊主
無情雲水撇深交

三湘父子初歸日風攪長林處處梢

榮四族祖新居成與東沙林游睡次韻

西南華構倚山丘小徑斜通竹樹幽
遠接桃源開藥圃近分槎水列芳洲
每呼新釀娛隣客復棹輕舟玩海鷗
締造辛勤今莫問春風華萼且憑樓

輓休翁

秋風嫋嫋洞庭波日暮行臺起此歌
湘漢文章悲賈誼雲霄弟子泣田何
相門不識人誰似南國重來事豈磨
欲送靈輜嗟路隔鄂城東望淚痕多

張都閩廷瑞盆池蓮高丈許人以爲得子之兆

忽見中庭十丈花華峰何事落三巴
若耶溪上人初到濯錦橋西月未斜
露冷孤莖食玉屑雲扶高蓋想金華
雨香秋澹房房實仙種靈源更足誇

次韻谷浚川大司馬營居作

白髮逍遙河上公卜居仍傍紫微宮
杜陵詩向雲中出蕭寺鍾聽月下春
庭檜遠分西壁翠檻花長對上林叢
蓬茅愧倚芝蘭室日有幽馨通凱風

輓張中舍

次陳省齋
司寇韻

屠資醇質許誰京英王監田自渾成
百歲人生無壽夭萬年心蹟有聲名
顏回去後遺言在林度來時舉坐傾

暗想祥麟雙淚落白頭真已愧吾生

大祀齋居在桂洲閣老見懷之作次韻

齋居偏喜按門墻士範官衡夙所望金炬迴聯星彩動
玉繩低遶露華涼浮塵但覺推移速歸夢那知道路長
漫拂絳紗看舊墨小堂虛壁爛河光

送張陽峯之任南京禮部尚書

忽傳

恩命下

楓宸奎壁移躔漢水濱高論講幃曾奪席遠猷綸閣久
儲珍樓今在楚岫瞻

天近江抱鍾陵見月新幾欲相從未由得剡門南望一
勞神

介溪庭院菊花盛開無有葵花一本以所和儼

山詩招賞次韻二首

敞廬門巷接仙家頻見仙翁滿徑花吟去不辭毛穎禿
插來齊壓帽檐斜雅懷娛客勝投轄老眼當筵似隔紗
人世但憐春色好素秋元自足英華

帝城西畔秩宗家深院秋開種種花向日未同群卉落
傲霜猶見數枝斜觴行夜色寒紅玉窓掩幽香度碧紗
珍重主翁歡賞洽愧無佳句答芳華

十月三日松皋太宰宅賞菊次日詩以爲謝
忽從京館見疎籬太宰公餘獨憇時過節故開看菊燕
入冬方辨傲霜枝南山佳氣籠吟席西苑晴暉映酒卮
却笑踈狂成吏隱一尊相對更相宜

送茅見滄殿撰奉使冊封便道過杭省覲

薊門煙接魯山蒼玉冊親將下

帝鄉綸閣舊占公輔器吳城新覩狀元郎圍春繡幕飛
觴急籠錦斑衣舞袖長金馬石渠虛席在早看歸節五
雲傍

送槎洲族弟歸冲虛觀

京國相逢真氣多片雲忽指越山阿青精大野絕埃壒
白鶴層霄無網羅十世宗支元素履百年踪跡羨玄科
四明吾亦欲歸去芝草琅玕今若何

送沈大理錄囚桂林

桂水元戎初獻績潞河仙使正浮槎青春伴侶過三湘月
黃鳥催看五嶺花莫問貪殘狼子性最堪矜恤遠人家
東吳桑梓重經地雲錦翩跹日未斜

送錢刑部錄囚四川

浙水歸來席未溫又將

新命出都門昨聞閩海驚飛電今喜巴陵啓覆盆入棧

松陰迷鳥道度江峯影落清尊天涯萬里觀風盡行疏
民情達

帝閣

蘭軒薛翁壽七十其子文明別駕赴官梧州將
便道迎養寓詩爲壽

京國時瞻手墨新稀年聞說倍精神江山詩酒常邀客
伏臘盤盂數展親五馬家聲承宋緒一經庭訓泝交民
蒼梧鼎餽聊娛養竚見封章下

紫宸

書牙骨扇贈章三洲侍御

都城日日苦炎塵最喜清風來故人少借吹噓回大造
不勞餘力補鴻鈞動搖在手幾非我舒捲隨時妙入神
況是氷肌蕪玉骨坐消煩暑肉臺身

送張石川銀臺致仕

幾聞清樾動吟哦暫喜冥鴻脫網羅天下名邦吳會好
秋來明月洞庭多人情自古皆如此世路于今可若何
把酒路河空感慨未應

昭代老巖阿

送敖秋官錄囚浙江

鳳城春半足風煙獨捧

宸章下浙川飛語共看行白日戴盆咸喜見青天江山
賦詠多陳迹吳越征徭異昔年鄉土有懷歸未得爲君
翹首一凄然

送童內方宮庶歸省

詞壇幾載鄉山夢此日殊恩錫傳歸

帝闕風雲真際會儲宮草樹有光輝青藜閣迥細書舊
白雲臺高和曲稀早駕星輶辭汙水老懷霄漢日依依
送雙溪侍御張君歸潁

世路多岐不可行南歸真愜望雲情小庄晴入西湖色
喬橋春含潁水聲甲子橋庭週更始壺觴菊徑滿還傾

聖朝清議昭如日未礙鯢鵬萬里程

南圃家慶卷

爲張常州行吾題張欲歸養南圃翁止之以考槃圖寄常州以示家

居之樂行吾懸之公署日致瞻思云

由來慈孝家之寶橋梓如君福未涯身在官曹方養志
慶關天下是娛家閩雲正作延陵雨吳署長明粵嶠花
南圃考槃誰似者孟侯觴竿動京華

王母貞壽

百年辛苦見貞標漢有班姑晉有陶門戶拮据更白屋
羽毛成長奮青霄長看獻菓三山近不用瞻雲萬里遙
紫詰泥金來疊疊綵衣籠錦舞朝朝

送陳太守之台州

台州自古神仙宅，騎鶴西來更絕塵。
花艷赤城天不夜，月籠丹鼎地長春。
平生稱意無多事，海內同心復幾人。
最喜隣邦賢太守，頌聲時到甬江濱。

送陳錄事南歸吳

鷄鳴閣上曾論秀，金馬門前又見君。
燕谷別筵春對雨，潞河仙舫曉衝雲。
風飄萬柳花如雪，魚戲三江浪蹙紋。
歸去故園應動色，一尊喬木坐清薰。

壽同年孫峯溪七十

少小蟾宮憶問年，老來清健更欣然。
橫金獨羨滄輝遠，

種王爭誇毓秀偏四壁雨香來木杪半溪峯影落尊前
綺樓華萼春長在伯仲高應老錢

桂洲閣老一品秩滿九載

上命六卿及諸都憲侍宴於禮部次王溪宮賓韻二首
東省華筵傍日開上公雲錦自天來慇懃致語春卿製
熠燿堯花王女裁四座共歡

褒德宴萬方高仰濟時才獨慙尸素多年所猶沃層霄
雨露回

元臣最績承休饗

大語歡陪命別卿九載旂常歸宿德一朝鍾鼓協春生

香飄露砌斑鸞鳴花簇風簾遶燕鶯霑醉即趨
無逸殿

虞歌長晝幾親廣

飲宴禮部次韻荅桂洲閣老

二首

金莖迥挹

天恩渥瑤席春蕪霽色開秩外榮輝承北極座中綈錦
肅元台拂簾鶯燕陪歌舞薄海虞魚屬化裁宴罷又聞
宣室召正逢

虞帝歎隣哉

天龍所臨無劣士古來難遇有昌辰明禋事續千秋典

嘉會歡涵四海春
即席禮卑功自邁
當朝入舊寵彌新
惟憐久負消埃志
願保非常柱石身

許龍石祭酒陞少宰之南京

予久求不得南去而龍石意若有不

釋然者詩以寓懷

追趨璧水人如雨
物色鍾陵鑒若空
身遠不妨心繫主
官清寧許髻成翁
城舍翠壁峰峰樹
江抱岑樓面面風
形勝有餘塵事少
自憐無計躡仙蹤

王貞久吉士移居同表懋中太史邀予及姪仲

王主客飲于其宅即席紀興

三首表子禮部選擢第一王冠

浙關仲王與聯名云

小葺垣扉傍闌開舊醅新茗越鄉來頻留館長精敲句
暇集隣翁笑舉盃花信幾封催穀雨瀛洲一女接蓬萊
直須吟落緱山月追逐鳬仙鳳管回

北扉南省搃稱山對宅通閭聚會便情洽竹林仍阮後
芳傳藝圃愧盧前當春不數花如錦落晚方知酒似泉
文獻四明稱獨盛景鍾端擬續先賢

雙王吾鄉迥不同文如月露氣如虹迂生老見魁天下
從子親承冠浙東熠燿英聲流虎觀鬱攸佳靄護龍宮
持盃莫惜厭厭飲絮舞鶯歌院院風

介翁以所刊詩集見惠口占叙謝

南宮佳帙下星辰草閣携歸色象新老去詩篇真泣鬼
生來童丱已稱神冲霄鸞鶴渾翻錦映水芙蓉不受塵
愁絕鶯花身轉健更看功業上麒麟

坦軒梁翁八旬有八其子劍峯都憲請詩爲壽
爲誰廬嶽起雲烟懸瀑開帷入洞天高坐衡山參大士
朗吟彭蠡逐飛僊任娛觴奕名難避不事王侯寵更偏
封誥鼎來神采秀海籌還擬什商錢

送姑蘇馬鍊鉞內翰考績之京

白鷺洲前生早涼相逢忽謾是離觴烟中孤鳥碧空盡
江上片帆秋影長玉署文章應最績清朝甲第有傳芳

儒官莫歎清閑甚萬古雲霄寄一芒

賀武林張氏新樓

次太宰丹山
署公韻

突兀吳山湖海濱樓山麓淨埃塵乘雲小出皆仙壑
鞭石東來有上賓釣箔暮鴻歸鄧嶺倚闌烟樹鬱南閩
登臨正喜輝華萼一醉君家麴米春

寄長男子中

幾回鍾阜獨勞情念汝青年學未成迷悞賢明惟軟媚
聽從忠諫是豪英每將天畏心神逸長得人磨智術生
老我耆翁還自力嘉言一句比連城

九月二十日巡視南京外城

帝城千雉半田山終日肩輿紫翠間東顧欲看溟海盡
西廻剛到大江環工歸版築詒謀遠天抱蘿圖創業艱
畱寄自甘劬夙夜更憑來鴈問榆關

夏太監六旬初度

天旣遙騎御馬來麒麟郊數鳳凰臺風姿月映珊瑚樹
談笑春生瑪瑙盃夢有歸時仍禁掖地無塵處即蓬萊
同夷愧我頭先白花甲何妨共幾廻

十月二十日巡視內城有作

東南洲島類仙丘城郭臨觀得勝遊天外碧波紅日起
樹邊黃屋白雲流半江晴色開鍾阜萬戶炊烟傍石頭

極北河山瞻咫尺絳霄宮裏

王宸旒

輓學諭符正齋

聯絡台峰映海青碩人歸去幾週星田何泚世多名訓
韋氏傳家有聖經漫憶筆端花入夢絕憐書帶草盈庭
樹槩未上麒麟塚聊賦新詩代勒銘

送胡儀制出守廉州

髫齡授簡儼南郡壯歲分符鎮海鄉沅芷澧蘭偏毓秀
嶺花崖樹不經霜長蛟欲避潮陽窟馴雉猶依越嶠桑
抗疏

九重元偉志，佇看名蹟繼龔黃。

東閣聽蟬

壬寅六月二十三日三首

金水橋邊白玉堂，忽聽蟬噪憶江鄉。
塵消宿雨青山近，烟鎖層城綠樹長。
自有天機開素籥，不勞人籟起笙簧。
南書日速歸來賦，松竹禽魚遍小庄。

清晝琅函寶篆烟，鳳池龍閣坐聞蟬。
破除暑雨天街外，點綴林塘

帝閣前。傍樹曉食金掌露，流徽秋叶玉河泉。
宦情羈思長如結，羨爾胸懷得恣宣。

閭闔風高雨乍收，玄蟬噪遞欲何求。
敢於天上譁無忌，

應向人間報有秋。善蛻不教塵俗染長吟。如見草堂幽
時來直瀉胸中盡。生世誰當曲似鉤。

送張遠之歸晉陵

霄漢輝聯伯仲間。強年何事遽求閒。渚清沙白片雲去
木落江空孤鶴還。風雨對床懽未畢。湖山欹帽興誰攀。
請看壁水台垣近。飛夢應廻玉笋班。

送王石峰封君歸慈谿長石橋

一別京華二十年。重逢雙鬢各皤然。玉堂壽筆紆直樂
黃甲家聲屬象賢。虹亘石橋龍嘖雨。鏡開文水鶴窺烟。
東歸擬作同庚會。攀附仙舟未有緣。

送吳工部督木之江南

神皇避寢圖宗祐詔旨煩君集臣材陵谷一時輸力盡
荆梁萬里蔽江來潞河秋舸凌風迅仄埽清尊對菊開
身亦棟梁須倍惜竚歸天闕詠良哉

輓封孺人孫氏

海陽李侍御春芳之母中書一
望之祖母也孫氏年九十二終

浮世幾人躋大壑海門鍾慶自非常梧天獨擅江山秀
鯢海長涵日月光壤割膏腴歡妯娒力疲辛苦事姑嫜
慈孫霄漢歸來晚淚洒雲巢木蒼

送劉松石宮保致仕歸麻城

一自坡翁賦成後黃州風月故依依空中獨鶴凌秋舉

塞上賓鴻識序歸已向華夷豐樹立况看麟王倍光輝
君王勅旨教乘傳完璧如公近更稀

送梅岩郊少參之官浙江

冰玉風姿迥出塵十年清譽滿朝紳靈陽一日膏雲起
海國群生澍雨均未稅甘棠先動色初開竹葉正薰人
都城別意鄉園思會見吳山越水春

壽宮保大司馬東瀛張公七十初度

年登七十倍精神天祐邦家柱石身指顧山河雄國勢
笑談尊俎靖胡塵烟霄蒼隼秋偏厲籬落黃花晚更新
鱗繡綺筵人王立會看輝彩照麒麟

孫教齋少宗伯以

顯陵修飭宮殿掌禮使郢

宸心屢動橋山夢珍重春卿出禁坡 石北來王氣合

漢江南下月明多承恩竚視東垣草隨興聊賡白雪歌
天步正殷靈貺集萬年宮殿鬱嵒峨

鄒縣謁孟廟

春庭深鎖嶧山烟浩氣如雲正塞天海岱有靈長作配
乾坤何代不崇賢闢除邪說承三聖披抉盲聾著七篇
碑碣遶垣遺像肅東風翹首思悠然

謁孟母鄒國成夫人廟

身奉萱闈魯甸過鄒宮瞻拜感懷多
三遷宅里心真遠
萬古乾坤事不磨
細細爐烟熏晝日
森森庭栢映山阿
邾城廟食應無極
誰報慈恩似孟軻

壽李春亭七十生日

於越山垂南極星
老君孫子駐春明
雨收樓閣金徽潤
江抱門庭玉樹清
落筆海濤生氣勢
飛觴天影動風情
偶懷桑梓過南國
欣遇神仙集鄒城

初夏過桃浦王宅感懷

十載京塵旅夢悠
重來桃浦雪盈頭
遶林風色酬花信
帶雨秧針映麥秋
短閣青燈悲舊事
華筵急鼓沸新謳

飛觴未盡東君意相送河橋月滿舟

送高南屏司寇之京

早儲靈秀起東甌敷歷

清朝四十秋餘俸盡應歸義塾芳名先已被神州擎天
正藉蘇公手濟水今開傳說舟雉影玉階搖鶴繡倂看

春色上

宸旒

齋居

次白樓宮保
鎮三首

郊禋省宿縉紳同奎壁光分太宰笏忽見晴嵐三島外
况承恩露五雲中龍樓夢破鶯聲月鯨海春流鴈影風

記得掖垣遲退食醉衝飛雪過涯翁

越水吳山事事同獨憐間却釣絲甬青峰點點暮鴻外
翠竹一庭春雨中恩詔擬還黃閣老新吟時動玉堂
風眼前得失渾冥會誰較區區學塞翁

孤卿地別喜心同傳得驪珠日幾箇老去高懷真脫俗
春來歸疏定留中橋門夙化鍾山雨寰海均承白下風
舊學正紆宣室思玉扉黃閣肯遺翁

登清涼山

坐俯虛亭萬木蒼清涼山上正清涼雲間鳥道通仙跡
天際江流遶帝鄉且向佳辰陪燕賞莫將前古話興

亡臺尚不用風如許落帽君看有興狂

送少司徒胡月岡考績之京

城外風烟一駐幢才猷爭說裕經邦雲生海嶠鵬飛獨
秋映琴書鶴下雙猶有黃花明遠徑不勞紅葉點澄江
東南水旱今如許未疏天門意肯降

送鄭孟溪鴻臚考滿之京

停雲劍閣幾懸懸今日驪歌白下船郵舍折梅臨短景
諫垣傳草憶多年培風獨擊三千水翹首重瞻尺五天
恩露滿廷春更早首看濃渥被才賢

送銀臺王酌溪遷奉常之京

幾年林壑髮毛新暫與南邦識鳳麟
帝里鶯花通梓
國容臺風月稱吟身良珍韞久終酬價矩步逢時亦逮
人賢傑自來多晚遇會聽明主歎臣隣

送唐東之遙授藩幕歸四明

幾年庠校老明經身上層霄髮欲星
五兩風輕燕樹碧
三江雲盡越山青高懷不受緇塵染麗錦仍霑渥露馨
爲問蠮蚱州裏事賸栽黃菊釀醅醺

送顧與清之官貴州

臨岐莫歎征途遠男子桑蓬夙所期
沅芷澧蘭行采處
嶺雲湘竹醉看時橋門授簡懷新益
玉署飛觴感故知

正喜蠻荒銷瘴癘好將籌策見環奇

送葉以德之官懷集

皎皎風標白玉姿欲尋勾漏故南之莫愁遠水紆三楚
且喜膏雲帶九疑岡斷不知奔鶴處巖開如見化龍時
遊仙歸來定何日明月橫琴向石芝

石芝
故云

懷集縣有奔鶴岡
北石游仙岩石蒲

張文定公四友亭集卷之十二

張文定公四友亭集卷之十二

三

張文定公四友亭集卷之十三

七言律體

送龔雲岡祭酒之南京

諸生白下瞻文範，學士青霄輟講幃。
鶴唳廣庭鍾鼓動，鷄鳴高閣曙星稀。
吟當漢水身穿幕，行見鍾陵翠撲衣。
更喜倚門人未老，錦袍萊綵畫生輝。

壽戴靜山郡伯七十

伯仲金緋照越川，越東風月故無邊。
承觴太耄仙顏並，舞綵稀齡樂事偏。
三世簪纓芳譽洽，四回科甲棣華聯。
蘋洲菊徑長相憶，先寄南山頌一篇。

送嘉善朱良翰經歷之泗州衛

都城未幾接容輝
忽向南天衣錦歸
雲淡潞河秋片片
雨收淮海月依依
濠梁坐貯知魚樂
泗水行歌縱鶴飛
清世幕庭無一事
甓山相對自忘機

八月十五日舜甫弟生日聞將至京述懷

聞說西來屬望頻
兄逢佳節又生辰
深情不憚三千路
樂事真娛九十親
朋舫正沿何處
月百壺先釀小堂春
鳳城明日堦簷洽
携取金莖玉露新

送林文瑞中書奉使便道歸錢塘

幾度相逢白玉堂
碧潭秋水映琳琅
河堤每候金蓮影

深院時聞翰墨香樂事人間榮書錦名區天下數錢塘
雲霄羨爾承恩去舞綵春庭未夕陽

送張龍湖少宰之南京

儒雅風流冠世才去時先問幾時來文章早見輝南紀
經濟終看列上台明月故懸黃鶴渚飛雲不礙鳳凰臺
晨星落落籌知己慷慨臨歧酒數盃

早入承天門見鴉

啞啞慈烏拂曙飛群來魏闕似迎暉鸞臺鳳閣頻相見
珠樹瑤池任所歸屋集主恩推更好幕棲邊事報仍稀
遶林不用劬三匝風靜喬枝正可依

看新曆有感

堯紀重看首建寅坤陰旋覺歲功新太虛珠璧含長曆
晴日風烟作小春盤裏素餐羞自飽鏡中華髮向誰嗔
韶光信邁留無術誰共修玄入道真

三窮圖

爲周弓圖都憲
母許氏璧

即看米蘗輝門閥不是尋常已婦清教子義如忘子苦
愛夫心卻倍夫生彌天大典惟身任蓋世鴻勳此玉成
莫歎三窮窮轉達幾聞褒詔樹風聲

辛丑十一月望日會選庶吉士於東閣

上親命題內閣吏禮二部堂上翰林掌印官校閱試卷

次目介溪有作次韻

作士吾

皇意不同

御題奎閣煥流虹才生周室終興鑄文似相如合薦雄
雲錦隊中窺駮駟朝陽輝裏詠梧桐緘書向夕呈西內
披閱仍勞

聖折衷

院中齋宿次水南張學士韻

小齋清坐樹重重盃茗爐檀爇禁東青靄自籠仙苑鶴
碧山長捧御碑龍夜深簾捲微茫月陽轉庭含露發風

明日燔柴恭對越瑤壇晶瑩九霄中

次韻答水南學士

長至郊齋王署同傳詩銀燭夜駢虹學宜人仰詞林傑
才是天生翰海雄靜對丰標淇上竹細聽心緒嶧陽桐
焚魚自愧紛華髮繡虎終看動

睿衷

枉介溪宗伯感舊述懷之作

次韻

詞林猶記昔年同携手河橋躡彩虹流譽即今過禹錫

時介溪被言官論列恙曰吾獨不得爲劉禹錫耶故云

解嘲自古有楊雄早承交

誼堪投漆老爲知音免破桐世事不須多顧恤憲天明

哲在

宸衷

次韻答桂洲閣老

上賜直廬志感之作二首

時上在西內賜桂洲直廬切
所居殿與四臣不同處

天街特授輔臣廬只尺傳宣便起居
太液波光揺枕簟
上清爐靄入庭除
連楹秘殿勝前席
接迹中官走御書
密勿每聞籌海外
大篇時見出公餘

繡蟒袍輝內直廬
碧鵷簷切太清
居仙垣佳氣長
慈鬱
人世浮埃盡辟除
趨對屢便宣
室召上封
彌迅北門書
太平

君相真魚水翹望蓬壺思有餘

側室朱氏以女病遣歸五年間有疾詩以懷之
每聞嬰疾便憂煎病女孤甥靠汝肩西蜀遠拋曾萬里
上京相別又多年榮華世界浮如夢辛苦平生事可憐
汛掃室庭還待我太君老矣即南旋

辛丑冬十一月無雪

上設醮禱祈于西苑命介溪宗伯自禁中詣都城隍廟
行香三日每丙夜將事介翁有詩見示次韻
金鑰宵開步屨西玉函鷄舌

上標題靈符默賦千峯雪御蠟寒垂百尺霓市靄蒼蒼

山動色神飈飈樹含淒豐祥願得呈三白琪樹瓊樓
一醉迷

得冢宰整菴老先生書誤見許與有曰十禽之
獲諒所不屑也感慨之餘形之末言

江介書來興莫禁不愁寰海乏知音翹心霄漢依孤鳳
白眼原田看十禽舊學老臣懸望重困知新記覺迷深
頽波日下天顰蹙立表中流特萬尋

示長兒子中

幼離膝下苦縈懷母氏劬勞父老衰未若人時須警勵
不如意事要推排甘腴每向詩書得德福都從敬謹來

姊弟慈闈勤省問祖宗基業善封塔

和鍾石少司馬詠雪

壬寅正月十日立春前二日也三首

六花紛舞鳳樓前滿眼清輝映木天志喜有詩賡郢唱
占豐無事擾袁眠來庭得潤三農命螟螣遭殲萬井錢
自是憂民勞

聖主太平風物又新年

得看飛雪早春前又喜豐祥降自天梅發故園誰正賞
月明今夜不須眠祈神欲盡周王璧卜歲勝頒漢帑錢
台席正當調鼎日憶車應愧問牛年

瓣香朝夕禮神前

君相精誠果動天入座瓊花風侑舞近春堤柳凍稽眠
滌除塵垢勻粧玉質取豐穰不費錢明日康衢湏擊壤
長歌

帝力慶堯年

和桂洲至日分獻夜明壇之作

捧爵瑤壇上上頭履長元宰事

郊丘休禘徧見三千界燮理頻經十二牛燈影迥聯星
月動香烟故逐珮紳浮中興肇復成周制翊贊功歸第
一流

立春 賜燕春餅於午門前值雪疊原韻

碧醪香餅掖門前
瓊雪樓臺儼洞天
散作苑花當席舞
壓低宮柳負墻眠
千官被寵均登玉
萬室交歡勝雨錢
退食正逢休假日
豐穰齊慶太平年

又次鍾石韻

春筵傍闕開千官
羅列醉春盃
充霄鷺羽飛還舞
綴袖琪花拂又來
樂事共逢周室燕
高歌真羨郢人才
歸家自侈

君恩渥綵服盤旋學老萊

壽甘少湖六旬初度

次其弟几山司空韻

湖天甲子重迴日
筵啓春輝洞竹窓
夢嶺烟花開似錦

雲安麴米釀成江閒看海屋籌添百舞罷仙妃珮解雙
仲氏司空遙獻祝正看

恩露洽家邦

賀介溪生孫

相國門廬佳氣塞掌珠擎出若為歡本支又見添宗牒
葵鼎還期似祖官家世休禎非幸得人生福履是真完
由來善慶占孫子是就蒼蒼定處看

賀張太監八十生日

鳳凰臺下重相見已度昇平八十年天府賜袍浮御
氣秣陵新第擁祥烟山開霽色明圖畫梅放寒香入几

筵清酒百壺終日笑始知平地有神仙

送太常李博士考績之京

三年究熟經綸策莫道官閒未習勤
曹省定應書上考旂常終擬列高勲
江空白鷺洲前月山動黃蘆渚外雲
惜別津梁歲云暮詩成獨立到斜曛

壽屠省齋憲副七十

碧琅玕外紫霞衣名重時髦壽古稀
湖上膏雲屯欲雨日邊鳴鳥倦先歸
蘭堦曙滴金莖露棣圃春聯玉樹暉
少小追從今老大百壺歡賞莫相違

壽萍樓朱本深八十

十載重逢咲不休乾坤都共此萍浮
非山路近蹢蹢鶴蓬島風清泛泛鷗
奕屢斧柯來便朽樽前壺矢醉還投
四明舊閣鍾陵客海屋交春又上籌

林毋俞太孺人甲辰正月廿二日八十初度賦
詩上壽

年登八十倍精神天佑名家淋潤身
五柳門墻軒蓋簇百花屏幃彩衣新
墮釵自惜憐遊子九膽于今啓後人
獨奉紫霞瞻遠嶠爲憑青鳥祝長春

甲辰歲穀日西江滕子安八十生日

穀旦芳尊取次開五雲扶日照秦淮
舟於范蠡磯頭泊

春向莫愁湖上來
令子橋門吾舊識
貴鄉蓬島爾長陪
八齡風骨清如鶴
咲逐梅花歲舉盃

雨中懷陸儼山宮詹

飲到微醺一浩歌
不知人事有磋砣
幾回飛夢雲間落
強半青春雨裏過
漫展愁眉吟玉舜
先嘗見寄玉舜編
蓋語權花詩也
轉懷携手出金坡
請看太廟都無物
消得浮塵冉冉磨

春曉書懷

條風江閣歲華新
新釀村醅又入唇
雲水動時非客感
人生靜處是天眞
城邊細柳初驚雨
屋外青山不礙春
月出海門潮入浦
欲從鷗鳥洗埃塵

懷董白坡州佐

一從炎夏別西灣幾度江城放白鷗卧看曇花三佛地
行收僊藥四明山堪憐綵袖當春舞誰更烏紗未老閒
令子橋門流譽早望雲時欲問舟還

送王汝器歸鄞

鍾阜新晴越客來江山如畫爲君開盟違十載纔飛翰
緣結三生此舉盃舞絮欲迷芳草徑歌鶯偏傍雨花臺
古來文獻稱東角英志青年肯自摧

甲辰春前一日同諸公登雨花臺趙鷺洲大參

留宴

東南佳麗此非常
况復新晴酒滿觴
烟柳萬家春動色
雨花千刹午吹香
天空海嶼孤雲沒
風靜江河白練長
愛煞鷺洲賢地主
數愁無計駐斜陽

送陳五山太守之杭州

天目有靈綬浙土
竹符仍照棣花新

其弟守杭

鳥鳴三竺總

仙跡人在六橋無俗塵
雲繞柁牙江漾碧
雨隨車轄地回春
古來郡國登樞鉉
冠世功勲在澤民

送蘇雙栢太守之紹興

鄰邦已動枯魚泣
忽漫青雲載雨過
坐見幽崖誅鬼魅
歡傳涸轍變江河
晴暉引岫脩容出
泐氣催鶯作意歌

尊酒秣陵休惜別鄧鄉方幸接餘波

送舜甫弟歸鄆

辛苦關河慰遠懷白雲千里渡江來行籌會見斑衣舞
僮僮欣逢綠醕開纔樂雁群牛首寺遽聽驪曲鳳凰臺
鄉園若問官曹事家世水壺不染埃

送黃金憲兵備九江

駐節湖天鎮六鰲捲簾興入壺天高五老向人開秀色
二孤終古障奔濤甲科家世閩中冠英畧平生海內豪
江漢波恬吳楚靖坐聽清譽肅時髦

壽楊太親母八旬生旦

三月十二日其前二日
適吾母至臨都

間關芳甸迎親日忽憶瑤池設悅展極羨安榮願鼎鍊
自憐衰老在風塵晴暉曉映金緋動露氣春滋玉樹新
亦欲抽簪從所好潘輿陪侍甬江濱

四月十一日同諸公西園宴集二首

羣公乘暇訪林丘大隱仙踪在帝州虛閣簾櫳晴晝
永畫船簫鼓野塘幽探花冉冉臨高樹穿竹迴迴過別
洲晚色鳳臺延雉堞曲渠流水泛金甌

滄浪亭上頻邀客地主風流天下稀夾徑闌干依竹樹
入門屏障列芳菲華樓縹渺臨清鏡黃屋嶙峋倚翠微
處處軒窓圖畫別日長猶到月明歸

新修官舍後池橋構草亭其上扶侍慈闈登憩

甲辰五月十七日三首

喜見慈齡九十三板橋登降力猶堪
引流淮水成方沼分翠鍾陵結小菴
香繞潘輿風滿院影翻萊彩日當簷
聖朝河海皆清晏贏得公餘樂事兼

尋常鼎食鮮登三家世米壺母氏堪
身著斑衣猶手線昔九熊膽似今菴
宿筵壽酒常盈面官舍遺書復櫬簷
祿養兩都真帝德獨慚忠孝若爲兼

海上蓬萊島嶼三帝城分取樂親堪
栽荷正喜紅翻沼種栢俄看翠繞菴
江吐晴雲團紫蓋山含宿雨映珠簷

一簣未試庭闈訓自幸清朝吏隱無

送育王寺慧曉禪師東歸

重落風塵又十年石房燈影憶談禪
機超由鍊真松外人在黃花翠竹邊
玉几金堂常入夢錢湖銀海浪飛仙
東歸倘說西來意灰冷香爐繡佛前

奉壽整菴太宰尊師八十

聖賢迥隔英豪地道義先超名利關
上棄遺經迷欲界天教夫子覺人間
長憐逸駕誰希執却喜高齡獨駐顏
弱冠門墻今白首詩成無語立江山

壽上海奚封君七十

王堂青瑣傳高譽喬木名家肅義方自有恩綸酬素昔
不教醫藥佐康強三山影動江雲碧六月涼分海樹蒼
黃浦日來潮有信屋簷籌時報壽無疆

松泉

次劉菴
官保韻

墨潭新水映澄空上有徂徠翠叢六月清陰不受暑
半山寒影漫流虹夢回江漢心神別老去乾坤節槩同
巢木轉疑廬嶽影草玄時動墨池風

雙桂承萱

爲張經歷兄弟聯
其父敬亭少保

花明堂背酒盈觴庭宇雙看桂玉蒼金縷霓裳歌接譜
綵衣雲錦舞成行春生棘寺烏臺色露郁蟾宮兔杵香

慈孝一門無量福敬亭千載有餘芳